


Liv Unneland
Alverflaten 278
5911 Alversund

Dato: 13.11.2017
Vår ref.: 2017/2779-10
Saksbehandlar: monsera
Dykkar ref.:

Varsel til grunneigar om arkeologisk registrering med gravemaskin - områdeplan for Alversund - Lindås kommune

Vi viser til varsel om utvida plangrense for områdeplan for Alversund i Lindås kommune datert 24.03.2017. I samband med planarbeidet er det naudsynt å gjennomføre arkeologisk registrering i nye delar av planområde, jf. § 9 i kulturminnelova. Det er Lindås kommune som er tiltakshavarar, men arbeidet vil verte utført av Fylkeskonservatoren i Hordaland fylkeskommune som regionalt kulturminnemynde.

Målet med registreringa er å få kartlagt om der er automatisk freda kulturminne som til no ikkje er kjende i det aktuelle arealet. Arkeologar frå Hordaland fylkeskommune vil gjennomføre undersøkingar på delar av gnr. 137, bnr. 14 (sjå kart under) i perioden 21.11.-23.11.2017.



Kart 1: Kartskisse over undersøkingsområde.

Registreringa vert utført med maskinell flateavdekking i sjakter på om lag 3 meter breidd. Lengde, djupne og mellomrommet mellom dei kan vere ulik, avhengig av topografi og funnsituasjon. Lengde på sjaktene kan variere frå om lag 10 meter eller mindre og opptil 50-60 meter eller meir. Matjorda og eventuell annan overdekkande masse vert fjerna maskinelt ned til undergrunnen, og djupna på dei einskilde sjaktene er avhengig av kor mykje masse som må fjernast. I areal med skrinnt matjord (20-25 cm) er det tilstrekkeleg å fjerne denne, medan i areal med påfylte massar, rasmassar, o.l. kan det vere naudsynt å fjerne opptil 3-4 meter masse i djupna. Kor tett sjaktene ligg vil variere med lokal topografi, funnsituasjon og undergrunn, men det er vanleg med avstand mellom sjaktene på 8 til 15 meter.

All jordmasse skal førast tilbake i sjaktene etter at naudsynt dokumentasjon er utført. Så langt det er praktisk mogeleg vert attfylling utført fortløypande, der djupe sjakter vert prioritert. Matjord som er fjerna i sjaktene vert ført tilbake, men areal som er grave opp vert ikkje sådd på nytt. Tiltakshavarar, Lindås kommune, er erstatningspliktig for eventuelle avlingstap eller ulemper som følgje av undersøkingane.

Dersom areal vert pakta bort, eller det er andre brukarar av arealet som vert råka av undersøkingane våre, ber vi om at grunneigar orienterer desse. I enkelte områder kan det verte aktuelt å opne opp gjerder for å skaffe tilgang til område med maskin. Før gjennomføring av maskinelle undersøkingar vil fylkeskommunen innhente opplysningar om nedgravne kablar, røyr og grøfter i dei aktuelle areala frå Lindås kommune og andre eigarar av slike anlegg. Dersom du har kjennskap til nedgravne kablar, røyr og grøfter på din eigendom ber vi deg om å ta kontakt med oss, slik at vi kan legge undersøkingane utanom desse.

Ved spørsmål eller merknader til ovannemnde, er ein velkommen til å ta kontakt med Hordaland fylkeskommune, Fylkeskonservatoren ved feltkoordinator Monika Serafinska, tlf. 55 23 91 80, e-post Monika.Serafinska@hfk.no.

David J. Aasen Sandved
kst. fylkeskonservator

Monika Cecylia Serafinska
spesialrådgjevar

Brevet er godkjent elektronisk og har derfor inga underskrift.

Kopi til:
Lindås kommune